

"Wankantanhan Anpao kin hiyounhipi."-Luke 1. 78.

VOL. XXV

FOREST CITY, SO. DAK., MARCH, 1910

NO. 6

Sioux Falls, Feb. 28, 1910 Services in memory of our late Bishop will be held in this city on Wednesday, April 20. It is earnestly hoped that every clergyman of the Church in South Dakota may arrange to be present.

This note is simply that you may have the proposed Memorial Service in mind. A program of arrangements will be sent in due time.

Frederick F. Johnson
Bishop

Sioux Falls, S. D. Feb. 23 1910

Tokata (Wednesday) April wi wiyawapi 20 1910 kinhan otonwe kin le el Bishop unkitawapi qon on Wokiksuye wacekiyapi kta. Tokin South Dakota el Wicaśa wakan tona unpi kin iyuha opapi kta iglwiyeyapi nin unkecinpi. Wokiksuye wacekiyapi kte cin ewacannipi kta ca wowapi kin le waktaniciyapi. Tokeśa tokel econpi kte cin Program etanhan nicupi kta.

Frederick F. Johnson

Bishop

111 70

TAKUSNISNI.

Hekta February wi okage cin el Anpao kin eciyatanhan Mazaska tona okiyapi na unqupi unkoyakapi. Yunkan itahena Rev. H. Burt is eya ounkiyapi, hecel lehantu kin mazaska tona unkicupi kin lecetu:

Kill 10000(i		
Rev. P. J. Delogia	\$ 25.	00
Sisseton, St. Marys	8	
St. Jno. Baptist		60
St. James	6	35
St. Lukes	12	00
Rev. Wm. Holmes	30	00
John Rondell	5	00
Rev. H. Burt	25	00

Ho, lecel wawokiyapi kin on wopila ha ewicunkiyapi. Wi topa yunkan lenakeca unyusotapi—\$100.00.

Lakota tona Christian henicapi kin na Skain Okolakiciye oyapapi kin iyuha Wotanin wowapi nicicagapi kin iyacupi hwo.

Tona Anpao iyacupi kin taku wanji ecanonpi waste. Tohan iyacupi ca na wokajuju unyaqupi kinhan wowapi el oyagwapi kta iyecetu, kinhan wiakenonpa iyahunnipi eca, icazo sniyan piya wokajuju unyaqupi kta tka. Hunh heconpi lakas wicunkilapi sni esa, oiyehantu eca piya kajujupi ecee. He hecetu.

Ota heconpi šni, na waktapi šni canke wicunkilapi eeyaš tehan unqupi šni. Heon etanhan ota icazopi. Eya onšiwicunlapi nakun, tka wanna o kotanla unkuyapi kta wašte.

Lehan Wicasa wakan unpi kin Anpao okiyapi kin on pilawicun-yanpi, na taku econpi kta iwacin-wicunyanpi tka. Iye tobaspepi el Baptisma wicaqupi kin. Kiciyuzapi wakan econpi, na Wicahapi kin yaotaninpi unkans waste kta iteka, ca heconpi nin unkecinpi. Eya hunh econpi tka akiyececa sni cankel on unkeyapi.

Tohinni Anpao kin wowiyukcan wan pazo, tka lehanyan ecel iyaye śni. Oglalata, Sicanguta na oyanke unmapi kin Winyan Omniciye oaletka otapi, tka omaka iyohi anpetu wanjila oitancan tawapi apiwicayapi sni iteka. Oyanke wanjila esa wiakenonpa icunhan tohan cinpi eca apiiçiyapi seca, tka wi akenonpa etanhan wi wanji tukte el wocekiye oyanke tonakecapi kin wi kin wanjila icunhan oitancan wicakalinigapi unkans, yustanpi eca iyuha owa unqupi kinhan oyanke kin he etanhan tona itancan unpi kin ptayela wicunkiciyaotaninpi kta, hecel ocib ataya yaotaninpi na on slolkiciyapi kta tka.

Le waniyetu tehike, wasma na osni kin on, na Lakota na Wasicun ptewaniyanpi lila ota tapi. Hecel taku wanji ablezapi unkans waste.

Sam peji ota kaślapi na tiyata agliglepi kta waśte. Tokeśa waniyetu waśte na peji akab iyaye cin he waśte. Waniyanpi yuhapi na peji waniyetu okisa yutapi kta iyena glepi kin he tanyan śni. Lehantu kinhan Lakota tokata wapa etonwanpi waśte, ecin Wowapi wakan heconunśipi lakaś.

Hohwoju ekta, Enimanuel oyanke ekta iye iyatayela Wicasayatapi Cuwintku icagapi, Wicincala wikcemna nonpa sanpa nonpa opapi, na itancan kin lena kiciglahnipi: President, Alice Standing Bull; Vice President, Mary Swan; Secretary. Louisa Kipanla; Treasurer, Emma Swan; Collectors, Naney Makes Life na Julia Hawk; Door Keeper, Josephine White Horse.

St. James Chapter St. Andrew Sunkakiciyapi etanhan, Sisseton oyanke ekta, St. Andrew Sunkakiciyapi iyaza omani yuhapi kta on womnaye kin Mazaska wikcemna yuzapi na Isaac Keeble eciyapi kin Mazaska awanyake cin, Louis Claymore yekiye keya. Chapter unna yaunpi kin wanna tona mnayayapi hwo.

Lecala Kansas City, Mo. ekta Roman Catholic wocekiye omniciye wan na Wośna kaga tawapi kin ptayela Skain Okolakiciye opapi. Heconpi śni itokab tuweni waśtepi śni ewicakiyapi śni, tka econpi iyohakab totanhan hiyupi kin tanyan caje wicayatapi śni. Wicayaśicapi śni, tka wicayawaśte po, Wakantanka eya se.

Lehantu kinhan Wasicun ekta, ho, na maka owancaya se wicasa ikceka taku Okolakiciye opapi esa otonwe ota el witaya mniciyapi na Laymans Missionary Movement eya cajeyatapi. Lena Christian heca içilapi, na ignuhayela se Wan! Christ wicala heuncapi unkekiciyapi, yunkan Christ Tokiconze kin'he maka owancaya yin

kta cin qon, tka hecel yin kta ca on iyayin kte cin he wocekiye na mazaska unkitawapi on vin kta kipi, tka he ognayan tokel econqonpi kta iyececa qon lila aokpani unqonpi. Ito, witaya mniunkiciyapi, na waceunkiciciyapi kta, na Christ Taokolakiciye kin he sanpa inyankin kta ca woyuha na wawokiya unkitawapi kin on tokel sanpa unyuecetupi e iwounkiciglapi kta, eyapi na econhanpi. Yunkan awauncinpi kta waste, unlakotapi kin. Icin Christ etanhan unkicagapi hecel Christian heuncapi. Wicunkapi hecinhan Wan! Christ makowancaya ya po na taku tona onspeciciyapi kin oyate kin onspewicakiya po eye con, tokel yapi kta he. Hecel yapi kta c owicawakiya he. Yapi kin icunhan ekta hipi na taku ojupi icunhan Wakantanka icahwicakiciyin kta ca wocekiye on wicaweksuya he. Ho tiyata kin Wicasa wakan na wacekiye wicasa wojupi na mini akastanpi icunhan tokin ecel icage nin iceunkiyapi he. Wimacasa kin is eya wicasapi, na taku imatanyan kta ca wacin ece kin is eya cinpi ece, hecel owicawakiyin kta e mabliheca na wowasi ecamon kin on wawakamna na etanhan onge wicawakipagan he. Woiyunge kin lena wiuncasapi kin unkiçiyungapi waste, Christian heuncapi he-

Long Island obašpe el Presbyterian wicaša wakan wan Skain opa, na tokeša wicaša wakan opeyapi kta.

Nakun Minnesota obašpe kin el Mr. Swertfager, Congregational etanhan gli opa, na tokata Wicaśa wakan un kta e kohan Seabury el Wicaśa wakan owayawa el igluwiyeya.

Allegheny, Pa. ekta hekta Oct. 1908 wicasa wan Mr. Wilson Miller eciyapi he te con, iyunkan cunwintku yamni wicayuhe cin, he atkuku kin wokiksuye on mazaska kin lena wakiyusnapi: Christ Church, Allegany, \$11.000; Emmanuel Church, Allegany, \$2.000; Church Home, \$25.000; Trustees of the Diocese, \$5.000; Diocesan Yewicasipi on, \$5.000; Laymans Missionary League, \$2.000; na St. Margarets Hospital (Owayazan tipi), \$15.000, hecel ataya \$62.000 atkuku wokiksuye on paganpi.

THE DAYBREAK.

REV. E. ASHLEY: ::: EDITOR REV. W. HOLMES. Assoc. EDITOR

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription price is 30 cents per anuum and may be paid in one or two cent postage stamps.

* Single subscriptions for six months, 15 cents.

All subscriptions and matter for publication should be addressed to

REV. E. ASHLEY Cheyenne Agency, S. D.

Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain my official notices and accounts of my official acts and visitations. I hope our people will take it and circulate it.

PRINTED at the office of the "Forest City Press."

ENTERED at the Postoffice at Forest City, So. Dak., as second class matter.

OKOLAKICIYE WAKAN WIYAWAPI.

March wi kin.

6. Lent el Anpetu wakan itopa..... To stan 13. Lent el Anpetu wakan

hanpi. 22. Tuesday Easter itokab. Akihanpi

23 Wednesday Easter itokab. A-kihanpi

24. Maunday (Woahope) Thursday. Akihanpi

25. Friday waste. Akihanpi (Mary witansha-un waste kin yaotaninpi, nakun)

26. Easter itokab Htayetu. Akihanpi

27. Easter (Kini) Anpetu... Ska 28. Easter Anpetu wakan el

Monday Ska 29. Easter Anpetu wakan el Tuesday Ska

Ableza po! Easter Anpeta iyehantu eca hehan Convocation on wicakafinigapi kta he woope. Hecel Kinipi Anpetu ihunnipi ca wocekiye oyanke iyohila etanhan Kafinili yapi kte cin wicayustanpi kta.

Wotanin-waste Ayapi On Wocekiye.

Anpetu iyohi wicokaya he cin ehan heyapi kta:

Wanikiya waste isto wacantkiye nitawa glugal, canicipawega akan otkeyahan yann tka qon. maka akan wicasa unpi kin owasiu Niye ekta etonwanpi qa niwicayapi nunwe. Amen.

Wakantanka Iyotan wasake cin, Woksapi ed Itancan kin, Woksapi Nitawa kin ed Htanipi kin nakun sanpa yewicayasi kta e onsiiciya iceunniciyapi: hecel Waawanglake wicaka na wacinyepica heca iyenakecapi kin on Okolakiciyewakan nitawa kin iyuskin kta, na Nitokiconze waste oicago tawa kin yutankapi kta; Jesus Christ Itancanunyanpi kin eciyatanhan. Amen.

O WAKANTANKA, tuwe wicawe wanjila on, wicasa oyate hiyeye cin oyasin maka kin owancaya etipi kta e wicayakage cin, na tona itehanyan nais kiyela unpi kin, wookiye owicakiyakin kta e Nicinca waste uyasi qon; wicasa oyasin onilepi na iyeniyanpi nunwe. Oyate kin optaye nitawa kin opewicaya ye, na Ikcewicasa kin wokiconze nitawa ekta awicagli ye. Tona wicayeco kin ecela wicaluecetu, na nitokiconze kin kohanna uyakiyin kta iceunniciyapi; Jesus Christ Itancanunyanpi kin hee eciyatanhan. Amen.

O Irancan, tona nunipi kin hena awicayakite ca niwicayayin kta e yahi kin, na mahpiya ekta na maka akan wowašake-ataya nicupi kin, tona econwicayaši kin eciyatanhan, wicasa otoiyobi Wotanin Waste kin owicakiyakapi kta e iyayapi kin, on Okolakiciye wakan Nitawa kin wocekiye eye cin nayahon kta e iceunniciyapi. Taku wokokipe el ipi kin owasın etanhan ewicayaku ye; maka puze ciu wokokipe kin etanhan, mini wokokipe kin etanhan: makośica on wicate cin etanhan; šicaya wicakùwa toohitika kin etanhan; wocetungla na inahnipi etanhan; wowacinibosake na owolutaton kin etanhan; na oiyokpaza itancan iciconza pi kin owasin etanhan ewicayaku ye. Na wojupi na miniakastanpi kin icumhan waicahye cin. Niye, O Itancan, uwicakiciya ye. Ikcewicasa wicota hein omnawicaya ye. Christian tamakocepi kin ekta tona wowanikiye hinsko tanka aktapi sni kin hena wicayuhomni ye, hecel, O Maka Wanikiya waonsila kin. Nicaje vatanpi kta na Nitokiconze u kta: Niye, Ateyapi kin na Woniya Wakan kin ob woyuonihan na wowitan luha, nunwe, maka owihanke waninl. Amex.

Wotapi sni Itokam Wocckiye wan.

O Itancan, wopila unnicupi. Woteklapi kiu wolwicaya ye, na wicasa oyasin, maka sitomniyan, Wicoui Aguyapi ni un kin Mahpiya eciyatanhan hi kin he olepi na iyeyapi kta e iceunniciyapi. Amen.

. . Grace Before Meals.

Thanks be to Thee. O ford. Feed the hungry, and grant that all men, everywhere, may seek and find the Living Bread which cometh dawn from Heaven.

LENT NA EASTER.

Lehantu kin tona Christian awicakeya heuncapi kin wicoie nom iwankab owapi kin tokel kapi kin unkablezapi, na Okolakiciye wakan taomaka saglogan—Advent, Christmas, Epiphany, Lent, Easter, Ascension, Whitsuntide, na Yanıni Taanpetu wakan kin iyaza unyanpi icunhan isakib woonspe ikowicayake cin awauncinpi naceca. Ho tka Lent eyapi kin tokel kapi kin hunh nahahcin eceh okahnigapi sni. Tohan lent unliihunnipi eca, Jesus, tuwe anpetu wikcemna topa takumi yute sni un qon, unkiyepi on taku ipiiçila gon, na icunhan Wakan sica itkokipe na ktela unkokiyakapi kin on unkiš eya, wicacehpi kin na wowiyutanye tawa kin unyuhukultupi kta e takuku ipiunkiçilapi kta, na Wakan sica habunyanpi kta e wocekiye unkeyapi kin on Wakantanka Ateyapi, na Cinhintku, na Woniya Wakan kin etanhan wawokiya wakan unkicupi kta.

Hehan Lent omaka icunhan taku ipiunkiçilapi kin eekiya mazaska, nais kaspapi kin, Lent ihanke kin el Wakantanka unqupi kta, cantes wasteya waunkiyusnapi kta, na

unkiye tokecincin unkakiglosutapi kta hee sni. Ho tka hunh tanyan okahnigapi sni cankel akihaniçiyapi omaka iyehantu eca kohan wamnayanpi kta na ihanke el wicawotin kta e akihaniçiyapi kin he ka kecinpi. Ho he yušnape lo. Ho eya wowivuškin omaka icunhan wiunyuskinpi na wotapi kin iwanyagya iyukcanyan econpi kinhan he hecetu. akihaniçiyapi omaka kin he taku ke cin, na icunhan taku' ecouwicašipi kin, ewacinpi šni na heconpi śni, na wotapi kta igluwiyeyapi kta ecela omaka yawapi kinhan lila ipaweli econpi. Ito, mitakolapi, Lent el Anpetu wakan tokaheya, na Easter itokab Anpetu wakan tawocekiye kin henios yawa piye na awacin iciwanyaka po.

Trinity Chapel, Rosebud, S.D. Anpao kin:

Bishop waste unkıtawapi kin omaka iyohi, wana waniyetu ota taku waste awacinpica, eyepica, qa econpica kin hena winyan omniciye kin iwahokonunkiyapi, ga onspeunkiyapi ecee. Wana ed un śni. Eya Bishop eekiya Bishop Johnson ake kici unqonpi, hecen Bishop Hare teunhidapi qon he iyecen Bishop teunhidapi kta iyeccea. Bishop wicohan tawa qon hena owasin iye qin najin, canke taku aoptetu qa unkiyecinka unkiyukcanpin qa econ unkokihipi kin hena econdonpi kta iyececa. Hececa kinhan Bishop Johnson wicolian tawa hanke ciqana unkiciyukapojapina kta. Winyan owasin yeksuyapi, Bishop tohan Convocation can taku wanjikji on wowasi econqonpi kta iyececa kin onspeunkiyapi kin opeya Anpao kin he cajeyate sa. Heon decen econgonpi kta iyececa kecanmi. Akihanigiyapi anpetu wikcenma topa kin ed anpetu wakan oko kin ed anpetu wanji yakdahnigapi qa he ed owinja qais, hanpa, qais taku keceyas unkagapi qa Lent iyohakab wiyopeunyanpi qa mazaska kin he winyan otoiyohi token kamna kin he Convocation ekta kdohi kta ga Le mazaska kin Anpao kin omaka wanji econhcin ni un kta e ounkiyapi kta iyecetu wada. De winyan omniciye ed dawapi kta wacin ye, qa owasin tanyan abdesyeciyari kta wacin. Taku wake cin ce winyan omniciye wicohan tawapi kin he ed takuna iyowaja kte sni, tka win'yan hiyohina Bishop Anpao kin token dakota ekna iwicawaste kta e awacin qon he kiksuya econpi kta. De taku kin owasin ed hdiheniçiyapi nin ceanmi ye. Owasin cante on napecikduzape.

Annie Lambert.

Rt. Rev. W. H. Hare, D. D., (e cin on wicasta ota hekta Anpao ed oyakapi. Tuwe ni un kin ed taku waste econ kin ninah otanin sni,

tka ta ohakab taku tona waste econ qon tanin. Ho wicasta kin de heca, Episcopal Okodakiciye wakan on woyakapi yuke cinhan wicasta de ekiktonspica sni, Rey. B. P. Lambert eye cin iyecen. True Christian, Wakantanka wacinyan, wicaka, Wise qa Braye man, ksapa qa waditaka heca. Industrious qa patient, mniheca qa wacintanka on waape yanka cee. Bishop niun kin taanpetu kin itutuya yusote sni, tka Okodakiciye wakan sanpa icage kta on wowasi econ, te cin hehanyan.

Princetor, New Jersey, May 17, 1838 ed tonpi. Okini waniyetu sakpe wakanheja takuna econ śni naceca, tka waniyetu śakowin tokaheya wayawa iteka, waniyetu akesakdogan ecetu wayawa ikceka ihunni naceca, qa waniye'tu yamni ced Divinity School ed onspekiyapi, nakaes koskanakelica waniyetu 21-1858 omaka-kin he ed Deacon kagapi, qa iyohakam waniyetu yamni, 1861 omaka kin ed Priest Wosna kaga econsipi. Ake 1870 wowasi wankantu wanji ccon sipi, Secretary qa General Agent of the Foreign Committee of the Missionary Society-Wotanin Waste ayewicasipi on wiyukcan yankapi ed wowapi kalikiyapi itancan kin hee. He iyohakab waniyetu wanji ecetu qonhan Bishop yankapi etanhan, Cape Palmas, West Africa ekta Bishop un kta ca kalinigapi, tka hed wicada śni. Tka akeś All Saints" Day Wakanpi owasin Taanpetu- 1872 ohna wiyolipeyata dakota ekna Bishop un kta kalinigapi. He iyowinyan qa January 9th 1873 yuwakanpi. He iyecana wiyopehyata hi qa wanyag un kin hoksipina qa wicinana hena tanyan onspe wicakiyapi kinhan Christian hecapi kta. Oyate waste icagapi kta cin kin on St. Paul's School 1873 omaka kin el kaga, qa St. Marys School nakun. Tka iyohakab waniyetu tonana qon Goyernment wayawa tipi ota kagapi on St. Paul's School ayustan, tka St. Mary's School ga St. Elizabeth's School heceknana inyangkiya. Ecin winyan kin Christian hecapi ca sutapi, Convocation econpi ece winyan mazaska ahipi wanunyakapi hena ota St. Mary qa St. Elizabeth's School ed icagapi kin eepi.

Hehan wasicun iyakeanpi eciyatanhan Bishop Hare iye unma Bishop unpi kin wicisanpa wicasa qa winyan ota Wicayusutapi ecawicakiconpi naceca ce eyapi, Dakota Wasicun ko he kapi. Waniyetu wikcenna Dakota ecena ekna wowasi econ, heon Niobrara obaspe kin eciyapi, tka 1883 omaka kin South Dakota ataya awanyake sipi-Dakota qa wasicun ko, hecen Bishop of South Dakota heciyapi. Wancag Sioux Falls ed ahiti qa wasicun wicincana wayawa tipi wan, All Saints School kaga.

Ake 1891 omaka kin ed Bishop Hare Japan ekta Okodakiciye wakan toked icahyapica iwanyag yesipi. Hed icunhan okicize yukan qa wotanin waste aipi kin wicaktepi cee tka kokipe shi ekta iyaye qa wi tona hed iwanyag omani qa kdi.

Hehan oyate tawicohan ektakiya wawokiya. 1889 omaka kin ed North qa South Dakota kiyuksapi, henaos State heca kta qa iye iyatayena awanikdake kte cin on County iyohi wicasa ksapapi tonagnakeca wicakahnigapi qa chena South Dakota tawoope-Constitution owapi kta. "Wocekiye eciyatanhan okodakiciye ospaye owasin se heyapi, "South Dakota, Prohibition State heea ktc, Mini wakan kagapi kte śni, Taku kaesta cn iwicatomni hena State tokeca eciyatanhan aupi qais ahi wiyopeyapi kte śnig eyapi. Unkan Bishop Hare is heye, "prohibition hecetu. tka taku keceyas on iwicatomni kin State tokeca eciyatanhan aupi qa wiyopeyapi kte shi eyapi kin hecetu kinhan unkis eya anannkiciptapi kte iteka. Okodakiciye tukte ekes Mini Sa (wine) heon Wokiksuye wakan econqonpi. "South Dakota Wicasa wakan otapi esta tuweni ksamvahan amdezapi śni."

Nakun woope wanji, Wakankiciyuzapi hdujujupi kta-Divorce, decen kagapi. "Tuwe State tokeca etanhan Sonth Dakota ed wi sakpe un kinhan, Divorce, Wakankiciyuzapi hdujuju okihi kte, qa South Dakota ed untipi hena iyotan kohanna Divorce ikikcu unkokihipi kta kapi. Woope kin de Bishop iyokipi sni, waniyetu otakiya Legislature, Woope kaga omniciye yankapi timahen i ga woope kin apikiyapi kta icewicakiya. Hdujujupi kta yuke kte ceyas tehanhan apepi kta hecetu lice cinhan hehan yujujupi kta. Wocekiye cciyatanhan okodakiciye ospaye ota South Dakota ed unpi tka tuwena waditagya oliiye sni. Hecetu kin on tohinni Winyan wanji, miniwanca koakatanhan Divorce econ kta cin on Sioux Falls ed wi šakpe un kta. Decree icu kinhan wicasa wan hiknaye kte cin kici hi. Winyan kin he Anpetu wakan hihanna wacekiyapi wan Calvary Cathedral Tipi wakan itancan ed wacekiya i. qa wacekiya ayustanpi ehan tuwe Tipi wakan awanyake kin he \$1.500 qu qa Ojanjankdepi wasteste opeton si hecen ich qu Bishop kdi ehan ed kai tka heva. Wamnayanpi waksica ayapi ed oknake cinhan unkicupi kte tka Divorce kuwa hi qon de wokiksuye on Tipi wakan ed caje cwa eunkdepi kte śni, eya itkob kicu. Heon Christian wicake waditake yaonihanpi kin wanji ce.

Roosevelt nahanh Tunkansina yanke cin ehan United States oyate kin Divorce econpi sa kin heon toked econpica waste kta seca, State iyohi wicasa kahnih Washington ekta mniciya wicasipi Governor S. H. Elrod is South Dakota etan-

han tonaked wicakahniga qa Bishop Hare kahniga. Woope wan kize cin South Dakota ecena sni, tka United States ataya on wowasi econ.

1889 he omaka kin ituseca, Crow Creek, Conkicakse Owakpamni makoce yuganpi qa wasieun mahed ahiyu qa maka icupi tka, itkob kdicuwicayapi kta kuwa, Indian Rights Association ed: Dr. Williamson qa Dr. Riggs okiyapi hecen Owakpamni makoce kin etanhan wasiun kdicuwicayapi, unkan politician wicasa kin heyapi, "Cleveland he Dakota owicakiya on he wicakaha e ce? eyapi, tka hecetu shi Bishop taku waste econ kin he wanji ce.

Ehake. Patient-Tawacin tanka on woakipe eee kin, Tipi wakan iyaza omani qa tukted i cca Dakotapi kin kici wokdakapi cinpi ca, ho eya, hecen tuwe wanji najin qa taku ke kte cin he 5 or 4 minutes kipi kes ito oape 1 or 2 taku tokeca eya yanka kes wacintanka awicape anagoptan yanke şa. Wicasa kin de Okodakiciye wakan ed eceena okinihan un sni, tka United States ed wicaśa wanjigji caje okitaninyan unpi wicakinihanpi kin is wanji hee, tka ohinniyan kudiyeiçiya ecec, qa Government Indian Affairs ohinni wacinyanpi ece, hececa esa wahanicila sni. Ateyapi csta wanji kin tohinni sicaya kuwa kta awacin sni, mazaska wastedake sni. Nakaha te cin mazaska tona yuha oyakapi. Hunhunhe wijica keuncinpi, qon hececa śni. Waniyetu tona teliya wavazanka tka tohinni wamayazanka eye sni, tka tohantanhan qais wotanin wowapi ed toked kakija kin oyakapi naunhonpi ecec. Bishop yankapi hecen sdonyapi kin on okiye kta Assistant Bishop qupi, tka lio wanna asnikiya manke kta eye sni, tka toawanyake kin hanke yuhekiye qa is hanke ed škan. Ho wanna kud iyaya qa tawowasi ataya Assistant Bishop econsi. Tka heca qeyas ehakeli All Saints School hecena awanyake kta keiçiya. Ehakeh Bishop on wotanin wowapi ed deced ovakapi. Sioux Falls Missionary Conneil omniciye ed wahi kta wacin he iyohakam tomaketu esa hecetu eya. Iyehan wasake sni aya eśa u kta keye tka Pejihuta wicasapi qa takuwicaya kin iyowinkiyapi śni, tahepi toketu kte kecinpi kin on. Unkan Bishop ceya keyapi, he iyohakam kiksuksuye sni wanke qa Oct. 23, 1909 en tc. Jesus eya, Abraham ateyayapi qon mitaanpetu kin wanyake kta cin hea, unkan he wanyake ca iyuskin. John 8:36. Bishop wašte tka gon dehan makoce unma kin Paradise, Wooziciye makoce eyapi heciya dehan Wakantanka yatan dowanpi kin opa qa iyuskin ce hecen wicaundapi.

Thomas Arrow.

Eggleston, Minn.

Dear Anpao:

Ito taku oyag cisi kta. Eya woecon wan Baptisma na Itancan

Tinta wita, Minnesota olma Dakota unqonpi, unkan wana waniyetu ota tehiya Taku wakan etkiya litanipi. He kaketu, waniyetu ota ded Tinta winta en yakonpi esta tehan Taku wakan ole kin ohna litanipi sni. Unkan ihnuhanna hecen aiçibdezapi unkan iye Wakantanka waokiya waste kin he owicakiye qa Tipi wakan codan hecen litanipi, tipi ikceya wacekiye skan yuke. Ho onhanketa St. Andrew ośpaye wanji nakun icagapi, qa winyan omniciye yuhapi, ga dena nina tanyan htanipi unkan dena iye Wakantanka, owicakiye, qa wacekiyapi kin onsidaya nawicahon, nakaes onhanketa ecen Tipi wakan wan nina waste okihipi. Unkan Daketa kin otapi sni, wikcemna sakpe, i ecetu. Unkan nakun Tinta wita en Dakota unpi kin makoce tankinkinyan yuhapi šni ešta, nakun wanji makoce ospe wanji Tipi wakan ahna he kta qu, ga he tuwe kin Thomas Williams eciyapi hea. Nina tanyan econ, eya Taku wakan wacinye kin he wicake kecanmi. Ho hehanyan hecetu. Unkan Tipi wakan he dehan ohna cante wasteyah oyatekin wacekiyapi. Unkan eya unkis eya Christmas weecon unyuhapi. Eya omaka iyohi wicolian he econpi ece, tka nakaha nina oiyokipi, wowiyuskin tanka tanka unhapi. Unkan tokaheya can ehdepi qa siceca wawicaqupi he nina oiyokipi. Ho he yustanpi hehan iyokiheya Mr. David Thomas ti kin en iyahpa cante wasteya owote wanji econpi. Qa hanhanna kin eqe wacekiyapi qa oyate cante wasteya nape kiciyuzapi, qa wiyotanlan kin he ake ataya wamnakiyapi qa owote wanji tanka yuhapi. Dena decetu qa oyate kin nina hanyetu qa anpetu koya wipipi qa wiyuškinpi. He maka akan wowiyuškin kin ee, tka nakun sanpa woawacin tanka unhapi. Ecin icunhan wicasta ota en wohdakapi, he Taku wakan oie ga Christ tonpi qa Wowapi wakan wicoie ota ko iunpipi. Ho, heban Anpetu wakan kin ake waceunkiyapi he hecetu, qa ake Anpetu tokaheya kin he ake Rev. Knickerbocker, Redwing etanhan hi qa Wotapi wakan ahi qa ake iyuhpa cante wasteya woyute wakan icupi. Unkan dena wicohan waste iye Wakantanka onsiundapi, qa wicohan waste kin owas Christmas icumhan walibaya awasteya, oiyokipiya okihiunyanpi kecanmi, on etanhan oyanke kin de cistinna esta Wakantanka sanna ounkiyapi nin ecanmi. Tona Anpao iyacupi iyuha nape ciyuzapi.

B. Whipple.

Woonpe Iwikcenma Nonpa Sanpa Saglogan.

Wicayusutapi.

W. Wicayusutapi, nais napeawicapatapi eyapi kin, he taku he? A. Wahosiye Wakan etanhan Htayetu Wotapi iyokogna econpi, he heca.

W. Wicayuşutapi kin tokel icaga he?

A. Wahosiye Wakanpi kin, wicasa Woniya Wakan wicaqupi kta ca icagapi.

W. Woecon wakan heca ecinpica he?

A. Ho, ecin Wahosiye Wakan kin, Okolakiciye Wakan icahyapi kte cin on taku tona econpi kin, hena Christ tawoonspe na towasake kin, na Wakantanka Taniya on econpi.

W. Wowapi Wakan etanhan, lecel econpi kta iyeecea he yuwi-caka ye

A. Hebrew wowapi wicakicagapi kin na wicowoyake isakpe el, Baptisma iyokiheya cajeyatapi na Christ woonspe etanhan taku etokahekiyapi kin he wanji ce eyapi.

W. Wicowoyake kin he etanhan oegle tokaheya na inonpa kin eya ye.

A. 'Heon etanhan Messiah woonspe tokaheya tawa kin he hekta elipeunyanpi, na woyustan ekta unyanpi kta; wiconțe wico-han on iyopeiçiya, na Wakantanka wacinyanpi taku alie cin akta eunglepi kte śni; Baptisma cyapi woonspe kin, na napeawicaputakapi, na wicațe cin ekicicetuwicayapi, na woyasu owihanke wanice cin.'

W. Iapi kin le ogna taku tona cajevatapi he?

A. Taku šakpe, na hena "Messiya woonspe tokaheya tawa" heca St. Paul keya.

W. Napeaputakapi kin itonakeca na tuktel unpi he?

A. Okolakiciye kin econ ece kin, he Baptisma iyokihe cajeyatapi.

W. Wicayusutapi he taku lica he?

A. Baptisma wicaqupi el wakan içiconzapi kin piya eyapi na yusutari ee.

W. Tuwe ca Wicayusutapi econpi he?

A. Okolakiciye Wakan el wicasa wakan itancanpi kin, Wahosiye Wakanpi qon hena, na wicihakab itancanpi qon, tona lehan Bishop ewicunkiyapi kin hena.

W. Obanyanpi wowapi kin Wico. 8 o. 12, 14, 17, etanhan, le omakiyaka ye.

A. Samaria ckta, Philip, Deacon kin he baptisma wicaqu iyo-hakab, Wahosiye Wakanpi kin St. Peter na St. John ekta yewi-casipi, na ekta hipi na nape awi-caputakapi na Woniya Wakan icupi.

W. Letanhan taku unkonspepi he!

A. Oyate kin he wacinyapi kin on sanpa iwastepi kta ca yuhapi kta iyecece, ca Philip, Deacon kin, iye wicasa wakan heca esa wicaqu okihi sni he unkonspepi.

W. Hecel woeye kin le taku yuwicaka he?

A. Wacinyanpi lena napeawi-

caputakapi icupi kta iyececa; na inonpa kin on woecon kin he wicasa wakanpi etanhan, owe tokapapi, Wahosiye Wakanpi, lenala ccon okihipi he yuwicaka ce.

W. St. Paul iye ecawicakicon qon, he tuktel iyeunyanpi he?

A. Ephesos ekta, tona baptisma icupi qon. "Palos nape on awicaputake na Woniya Wakan el wicahi." (Olian. Wico. 19, o. 6)

W. Waeconpi kin lena on taku eyepica hc?

A. Wahosiye Wakan, Wicayusutapi lena econpi kin on, lehan Okolakiciye Wakan el, Bishop unpi kin, hena Wahosiyepi kin etanhan okiheya unpi kin, is eya econpi kta e wowasake yuhapi ce.

Atewicayapi Waayataninpi kin.

W. Wowapi Wakan leon takn eye cin, iyayustag taku eyepica he?

A. Okolakiciye kin omaka oyasin el okiwanjila econ ece kin he.

W. Tona wowapi kagapi, na Bishop unpi kin, woyakapi kin e iyatanhan, woecon kin he ignuliayela elipeyapi he?

A. Hiya, Wahosiye taanpetupi etanhan anpetu unkitawapi kin hehanyan, nape aputakapi kin, Okolakiciye kin hecetuwanjica econ ecee.

W. Tertullian, wicasa wakan heca, St. John ohakab waniyetu wikcemna saglogan ni qon tokel eya he?

A. Tona baptisma wicaqupi kin, nape awicaputakapi, na Bishop woyawaste le econ kin eciyatanhan, Woniya Wakan icewicakiciciya eya.

W. Le eciyatanhan ake toie omakiya ye.

A. Baptisma wicaqupi ohakab, nape aputakapi econpi, woyawaste na wocekiye on, Woniya Wakan icekiyahan, hecel tona baptisma on tancan wicayuskapi kin (Woniya) el awicahan kta heon.

W. Omaka opawinge iyamni el, Cyprian, Carthage el Bishop un kin, le on taku eya he?

A. Tona Baptisma icupi kin, bena Okolakiciye itancanpi kin el awicahipi, hecel wocekiye na nape awicaputakapi nakitawapi kin on Woniya Wakan icupi kta.

W. Omaka opawinge itopa el, Jerome he ehan ni kin, tawoyatanin oyaka yo?

A. "Tona otonwe ciscina na a ptetu kin el Wośnakga na Deacon baptisma wicaqupi kin, hena ektakta Bishop kin icimani ya, nape awicaputake na Woniya Wakan el wicahi kta icekiya."

W. Le el, Jerome taku icalitagya eya he?

A. Wicayusutapi on ie cin icunhan, Wicasa Wakan owe yamini, Bishop, Priest na Deacon cajewicayate.

W. Waayatanin kin le taku yuatanin he?

A. Okolakiciye kin el, Wicayusutapi kin lie owancaya na ijehan econpi kin he.

Anpao kin:

Ito lenake unyeciluotaninpi kte icennniciyapi. Rosebud ekta, St. Peter Chapel, Ironwood creek, Jan. 1, 1910 he ehan Koska Omniciye kin oitancan glahnigapi na lena eepi: Joshua Hand, Itancan; Charley Cloudman, Itancan okihe; Jacob Big Corn, Mazaska awanyaka; James Railroad, Wowapi kaga; Fred Tall Crane na Leader Charger, Wamnayanpi; Frank Two Bird na Matthew Good Elk, Tiyopa awanyakapi. Ho lena waonspeiciciyapi omniciye ye lo. Wakantanka Toie ca onspeiciciyapi na el wowacinye yuhapi kta na wicasa towasakepi cn waokihipi kta kecinpi kte sni, tka Wakantanka oiye okihipi kta.

Winyan omniciye kin is oitancan kin lena eepi:

Lizzie Big Corn, Itancan; Stella Good Elk, Itancan okihe; Mary Railroad, Wowapi kaga Millie Runs on Them, Wokagege awanyake

Minnie Big Corn, Wokagege

wiyopeye Ida Iron Deer na Emma Hand. Wamnayanpi.

James na Mary Railroad

Upper Cut Meat el B. C. U. koška okolakicive ungonpi etanhan taku tona yaotanin cisi kta. Ehanni Ska on omniciye kin tanka lel unqonpi, yunkan wanna tona wicala kin henala unqonpi, sagloganpi. Yunkan heon Wakantanka ounkiyapi laka wicohan tanka nom unkokihipi. Ynnkan wicasa ota wisolian econpi iyecel econqonpi. Ho heon taku wanji epin kta. Wakai tanka maka akanl wicohan tona unqupi heci hena oyasin wato iyecel ohinni yankin kta na tuwenni snijni kte sni ecel wicani oyasin ihanke kta na maka ko. Heon tona hena awacinpi kin hena anpetn tona woksuye kta unqupi qon hena ecel econqonpi na heon wakanheja na wicasa tona wocekiye awacinpi sni, na nakun winyan, hena oyasin awacinwicunyanpi kta on onspewicunkiyapi waste ke lo. Na iyotan tuwa Wakantanka caje on taku ilipeya, nains taku wicaqu hena iyotan waste hca. Yunkan tuwa wacinyan un kin he wiconi ynha kta ra heon iyokipiya wawokiye unsipi, heon woiciconze tona unyuhapi hecinhan ahounkiyapi kta heccca kin okolakiciye unyuhapi kin hena ohinni wasakin kta. Koska conala wicohan nom econpi yunkan iyehantu el nonpinyan lila wicasa na winyan ko wicota hea ahi, yunkan lila icante mawaste, heon sanpa awacanmi na wana kitanla Wakantanka awacinpi sece lo ecanmi. Miye kin Mini akastan-

pi na wakan tawicutonpi henawos lala nahanhcin bluha yesi heon wohahcamiçilana na unma hena el awaonspeiciciya ble na heon hepa. Icin tuwa wicohan oyasin icu can sam takunni sni awableza, heon iwastela wicolian el onspemiciciya hececa kin iwastemiciyin kta. Woiciconze tona unkicupi heci hena tuweni ihpeya sam unyanpi kte cin hena tuwenni unkiciyuecetupi kte sni, tka unkiye hena ohinni ungluecetupi kta, heon ohinni unkiksnyapi kta. Lehanl okolakiciye dakota makowaspe el un kin hena awableza, yunkan hecel el unskanpi canke on wacintankaya okolakiciya el unpi kta, hecel awacanmi. Ho heon tona Christian yaunpi qon hena oyasin nape ciyuzapi, wocekiye on. Ho he miye

James Never Miss Shot

Porcupine District.

Anpao kin:

Ito mitakola takn wanji epin kta wacin ye lo. Tohantan imacage cin hetanhan iyotiyekiye imacage lila otelii wakila selececa. Ho mitakolapi taku tona otelike hee cin oyasinla tanyehei awakipa ye lo. Ho yunkan he etanhan wana awableza, yunkan hena oyasin etanhan woksape, woslolye ca Wakantanka slolyemakiye iblukean ye lo. Anpetu kin lehanyan takn telike, nains taku waste kin nopinyan ojanjan tanyan wanblake selececa kin heon Wakantanka, etkiya wopila epe lo. Mitakolapi nichwitapi, na woyute ninicapi na lo yacinpi, na ha iyotiyeyakiyapi, na waniyazanpi, nicinca wayazanpi na tapi, winyan nitawapi wayazanpi na tapi, na lila wanilipanicapa, na lilá nicakijapi, nitakolapi wanjikji tehiya nicuwapi kin hena oteya on wana wacin niciscilapi wan el niunpi on wowacinve ninipi na on canzepi ecela ojula niunpi heci payuwankal icu po, na wankaltkiya etonwanpi na makipusliya ihpeiciyapi na awicakehan Wakantanka el onsiiçiya woglakapi na cekiya po. Hecel koyela Wakantanka tawookahnige na wookive tawa kin hena el niupi kta ca iseya cinniciyapi ce. Ho ableza po. Ate Wakantanka toksape, towaonšila kin hanke ciscila okiwakalinige kin on nape uciciyapi hibu ce, na ake tokata ecani wanji epin kta ce. A wicakeya nitakolapi miye ce.

Cain White Shield

Bull Head, S. D.

Anpao kin:

Hekta Dec. 25 qon hehan taku tanyan econpi wanji omiyecilakin kta. Yunkan hecctu, koskalaka wanji lecen eciyapi Joe Good Eagle tawich kici le oyate, St. John Baptist Tipi wakan el unqonpi kin wicasa na winyan wakanheja koya wawicaqupi waste kin ognayan hante wan eunglepi, na wicasa iyohila nonpa, na

yamni ecel wawicaqupi kin wicaqupi. Yunkan le koskalaka kin Sina ska Okolakiciye kin etahhan sni tka Mrs. Annie Good Eagle Ska Okolakiciye kin el winyan tona wicohan wakan ayapi kta e on woyuha tawapi kin ipila sni okiya skanpi kin wanji ee. Ho yunkan le wicoban kin awacinpi waste kin heca ye lo. Ecin wicasa na winyan ota wicohan wakan kin el blihecapi esas woyuha tawapi kin hanke Okolakiciye wakan kin qupi kta ca ipilaya unpi ece qon. Ho tka nakun hekta tanhan Mrs. Annie Good Eagle wicohan woivokipi wanjikji tanyan econ ece na taku wanjikji tawacin iyutokeca kta iyececa esas katinyan Okolakiciye kin el litani, na heon sanpa wicasa tawacin owang wicayin kta iyececa wala na heon Anpao kin omiyecilakin kta wacin ye lo.

Yunkan eya hecetu, ecin wocekiye okaspespeya hiyeye cin ecel taku woawacin wan lakota oyate kin awacinpi ecee kin he wiyohiyanpata kola wiennyanpi wastepi kin onsinnlapi can wawicaqupi unqupi don hecela cante el yuha unqonpi kta iyececa sni ye lo mitaknyepi. Na eya waniyetu ota śni otohanyankel Tatanka iyotanke toayate kin el waun. Hektakiya waniyetu yamni hehanyan wicohan kin le iyececa sni, tka Christmas owicolian kin oyate oiciyapi awableza na on wopila heca kta iyececa walake lo. Heon oyate kin sanpa wawicaqapi waste kin onspepi kta na sanpa Okolakiciye kin okiyapi kta awacinpi wasteke lo.

J. W. Plnme

Santee, Neb. Chapel of the Holy Faith. Mitakuye Anpao kin: b

Ito taku wanji yaotanin cisi kte. Ehanni winyan wan Okodakiciye den un tka winyan kin he otintoka iyaye qa tohinni ake maka wicolian den hdi kte sni, Mrs. Maggie Bill hee, Sept. 17, 1909 te he ehan. Unkan he anpetu kin ed ehan unhdipi, unkan hihnaku kin he wotapi tanka kage qa oyate den unpi owasin se wotapi. Unkan cinca yamni wikoskapi hena decen econpi: mnihuha iyutapi opawinge sanpa akesakpe hena Winyan Okodakiciye den unpi kin hena wicaqupi qa hena kagegapi qa wiyopeyapi qa mazaska wikcemna sanpa kaspapi zaptan on kamnapi. Dena cincapi hecen econpi: Mrs. Florence Whipple, Mrs. Lizzie Rouse, ga Mrs. Rosie Ben. Hunkupi ehanna ed un sni sta hecen econpi. Mrs. Bill ohinni Winyan Okodakiciye ed sutaya najin, qa tohinni halikta sni najin. Eya tancan zaniyanh un sni heon sutaya najin. Mitakuyepi Winyan Omniciye yaunpi kin owas cantewasteya nape ciyuzapi.

Lucy Westman